



PARQUE NACIONAL NINO KONIS SANTANA

Primeiru Parque Nacional iha Timor-Leste!



Primeiru Parque Nacional iha Timor-leste!

Parque Nacional Nino Konis Santana hanesan primeiru Parque Nacional iha Timor-Leste. Fatin iha distritu Lautem, Parque Nacional ida ne'ebé komposto hosi parte terrestre no marina ho luan total 123,600 ha, hosi rai 68,000 ha no tasi laran 55,600 kobre três nautical mil tama ba tasi.



Parque Nacional Nino Konis Santana Kobre tomak parte leste nia rohan husi Timor-Leste

Parque Nacional hanaran tuir (Antonino Santana), 'Nino Konis Santana' (1955 – 1998). Heroi nasional, ne'ebe sakrifika aan, luta ba independéncia nasional. Chefe do Conselho Executivo Comité Executivo da Luta – Frente Armada (1992 – 1998).



Nino Konis Santana, heroi nasional ne'ebé luta ba independéncia

Parque Nacional atu proteje no conserva globalmente ambiente, kultura no valór istóriu nasional. Iha valór balun ne'ebé úniku tebes iha Timor-Leste, ne'ebe la hetan iha fatin sira seluk iha mundu.

Importante tebes atu proteje valór sira ne'ebe ba mundu no mós ba Timor-Leste, iha tempu agora no futuro no mós respeito no fó omenázen ba iha tempu pasadu. Protesaun atu preserva istória no kultura ne'ebe máka úniku ba jerasaun oin mai no sei garante ambiente ne'ebe saudável ne'ebe mák sai fatór importante ba saúde moris nian inklui floresta, peska, rai ba hakiak balada, lagúa, mota, bé no anin.

Establisementu no jestaun ba servisu Rede Area Protejidu (Protected Area Networks) nudar dalan importante ida ne'ebé Timor-Leste bele realiza ninia obrigaun internasionál no respeito direitu ema Timor tomak nian ne'ebe mák regula ona iha Konstituisaun no Konvensaun Nações Unidas nian, kona-ba Diversidade Biológica (UNCBD). UNCBD mós garante direitu no prinsipiu atu proteje ambiente, preserva rekursus naturais no garante sustentabilidade, desenvolvimentu ekonómiku.

Ba informasaun klaru liu tan kontaktu

Direção Nacional de Floresta
Rua de Caicoli, Díli
tel +670 331 00 52

Oficial Floresta
Distrito Lautem
tel +670 725 90 28

Intensaun & Objektivu

Objektivu husi Parque Nacional maka atu:



• Garante protesauun ho nível aas, konservaun no sustentabilidade jestaun no desenvolvimentu tuir lei:

- Biodiversidade no ambiente natural (rai, tasi, espésie, habitat, material jenétiku)
- Formasaun paizajen no jeomorfolójiku, teatros no artistiku furak;
- Kultura, tradisaun no valóres sosiál, fatin ne'ebe sira hala'o sira nia fiar;
- Aktividade tradisionál no sosio-ekonómiku bazeadu ba protesauun no jestaun ambiente natureza husi marina no terrestre;
- Valóres istóriu no pre-istóriu (arkeolójiku, Portugéza, Japonés, Indonezia, Resisténsia);
- Sosio-ekonómiku no valor rendimentu lor-loron nian (peska, agrikultura, no hakiak balada);

• Jestaun sustentável kolaborativu entre komunidade lokal no governu atu garante

protesauun ba natureza no kultura no rendimentu ekonomia lor-loron;

• Reabilitasaun: reabilita ambiente natureza no habitat ne'ebe neseráriu;

• Ezekuta obrigaun tuir konvensaun Nasoins Unidas nian kona-ba diversidade biológica (UNCBD) atu proteje planeta ida ne'ebe no mós ba Timor-Leste;

• Edukasaun, estudu no peskiza hodi hasa'e konsiénsia, koñesimentu no kompresaun kona-ba ambiente natureza, konservaun uza no jere ho sustentável;

• Promove desenvolvimentu sustentabilidade liu husi harmonizasaun ba konservaun no uza rekursu natureza ho sustentabilidade hasa'e kualidade moris ba rejiaun no komunidade lokal;



• Jere no regula area turizmu no aktividade rekreaun liu husi promove turizmu etiko no ekolojiko atu proteje ambiente no kultura ba benefisu komunidade lokal ne'ebe sustentabilidade ba tempu naruk.

Jestaun Prinsipais – Rai Ne'ebé Ema Horik Ba No Paizajen Tasi Nian

Parque Nacional Nino Konis Santana rekoñesidu internasionamente, IUCN kategoria V areas protejidas – protejidu paizajen tasi no rai. Ida ne' signífika katak saida deit maka moris iha Parque nia laran ne'ebe iha interasaun entre ema ho natureza rekoñesidu no valóriza no protejidu. Direitu komunidade lokal sira nian atu proteje, sira sei

konsultasaun no kolaboresaun ho komunidade lokal. Ida ne' sei gere hamutuk iha parseru ida entre governu no komunidade hodi foti desizaun iha planeamento no gestauun. Komunidade lokal sei hetan ajuda, hodi proteje ambiente no hasa'e vida moris liu husi desenvolvimentu ne'ebe avansadu iha aktividade ba rendimentu lor-loron nian iha



moris nafatin iha area laran no kustume kultural sei proteje husi komunidade ho asisténsia husi governu tuir mata dalan no autoridade husi komunidade.

Parque Nacional ida ne'ebe estabese liu husi

area rural (agrikultura, peska, hakiak animal) nune'e mós desenvolve moris foun hanesan turizmu etiko no ekolojiko no oportunidade atu hamenus no redús emisaun karbón no eskema ba protesauun ambiente.

Leis no Protesaun



Parque Nacional Nino Konis Santana ne'ebe estabese tuir Resolusaun do Governo No. 8/2007 no protejidu tuir:

- Konstituisaun RDTL Republika Demokratika de Timor-Leste;
- Konvensaun Nações Unidas kona-ba Biodiversidade Biológica;
- Regulamento UNTAET 19/2000 – Kona-ba Areas Protejidas;
- Regulamento UNTAET 17/2000 – Proibisaun kona-ba exploração no exporta ai husi Timor;
- Dekretu Lei 6/2004 – Baze geral kona-ba rezimi legál ba jestaun no regulamentu peska no agrikultura.

Liu husi Resolusaun do Governo 8/2007 tuir mai ne'ebe aktu no aktividade ne'ebe proibidu iha area Parque Nacional:

- Muda forma rai nian hodi soe no halekar besi tuan, sucata, kareta, rai henek ou ou resto sasan isin seluk ne'ebe nia impacto la furak hodi hare ou hafoer rai, anin (ar), bé, hanesan ne'ebe, mos fakar foer, resto hosi sasan organikus no laos organikus, habou

sasan aat no sukatas ne'ebe la fakar ba iha fatin ne'ebe iha tihá ona;

- Soe bén foer resto hosi industria ou uma kain nian iha bé natural, iha rai leten ou rai laran ne'ebe bele kausa poluisaun;
- Kua, kaer, ta'a ou foti exemplo ba espésie ai sira ou animal sira, iha rai leten ou tasi laran, sira hotu iha protesauun legal, iha fase ruma ne'ebe atu bele evolue/hadiak, ho excepsaun ba acção Parque Natural nian no ba acção científico mos sei liu hosi autorizasaun hanesan;
- Atu foti amostra geológica no hosi espésie zoológica no botânica, ne'ebe iha proteccão laran ne'ebe, hosi nia natureza, la halao liu hosi actividade agrilola normal;
- Atu Roo liu hosi área Parque nacional nian, mesmo ke nia navegação ne'ebe diák la halo aat ou kausa estragos ba ekosistema ida ne'ebe;
- Tipo peska ne'ebe deit iha área hosi estreito Jaco, excepto ba peska subsisténsia ho kail, hosi ema rai nain ne'ebe hela iha Tutuala.

Tanba-sa Parque Nacional Nino Konis Santana Konsidera Espesiál?

Timor-Leste rekoñesidu internasionamente nudar perioridade boot liu ba konservaun biodiversidade. Ida ne'ebe mósu iha rejiaun laran ne'ebe bé bolu "Wallace", area ida iha rai ida ne'ebe máka iha diversidade boot no biodiversidade úniku.

Parque Nacional Nino Konis Santana ne'ebe úniku iha Timor-Leste no rekoñesidu internasionamente ba nia valór uniko ne'ebe furak no barak hanesan – natureza, kultura istória, jeolójia no panorama.

Valór Naturais


Habitats

- Estenso, deversidade aas, integrál, internasionalmente importante iha ambiente marina no terrestre;
- Area ne'ebe luan no importante tebes ba biodiversidade iha ilha Timor tomak.



Biodiversidade Terrestre - Flora & Fauna

- Nasional no globalmente importante, diversidade aas, iha endemismo (espésie úniku ba Timor-Leste) inklui espésie foun ba siénsia;
- Espésie importante inklui: manu 16, niki 16, spésie ai oin 4, komunidade vegetasaun 12;
- Diversidade aas husi komunidade vegetasaun ne'ebe úniku no integrál (floresta, savana, rai buras, foho no kostál etc.).



Ekosistema Marina

- Timor-Leste nudar parte ida husi parte Coral Triangle, biodiversidade husi ahu ruin no ikan ne'ebe mák moris iha ahu ruin makaas liu iha mundu;
- Ekosistema marina internasionalmente importante – estensivu, integral, diversidade aas, ahu-ruin, mangrove no bé ne'ebe kle'an;
- Populasaun ikan ne'ebe signíficante, lenuk, dugong, baléia, tubaraun, golfiú.



Paizajen

- Paizajen estensivu integral ligadu husi foho aas to'o kostal, mota, lagúa, kostal no tama ba tasi laran ho sistema estensivu marina husi ahu-ruin no tasi ne'ebe kle'an. Ida ne'ebe agora úniku iha Sudeste Aziátiku;
- Panorama foho Paichau ho nia lolon ne'ebe furak tebes no nia ai-laran tuan no kle'an ne'ebe haketak foho sira;
- Jeolójikamente importante inklui sistema karst estensivu ho, fatuk ko'ak ne'ebe mout, no bee matan ne'ebe fresku;
- Lagu furak Iralalalo ho formasaun jeolójikamente úniku, espésie úniku mota lrasequiro no fatuk ko'ak bé mout iha Mainina;
- Rai tetuk estensivu, ne'ebe luan, ai laran tropioca besik Lore;
- Ilha Jaco ho floresta rai-maran no ahu-ruin.



Fotografia:
Breanna Ridsel, Cathy Molnar, Colin Trainor, Dan Groshong, Fernando Santana, Guilherme Carlaxo, Kyle Armstrong, Rosemary Low, Ron Billyard, Teresa Gay.

Kultura & Istória

Istória Antigu

- Area ne'ebe ema hela ona durante tinan 40,000 liu ba;
- Liu husi fatin arkeolójiku 100, inklui evidénsia ikus liu kona-ba okupasaun husi ema moderno ne'ebe máka kleur liu husi Sunda Kiik.



Istória Recente

- Iha fatin barak husi períodu kolonizasaun Portugés;
- Segunda Guerra mundial husi Japaun;
- Subar fatin Gerilheiru sira nian ba movimentu hodi lutta ba independénsia kontra okupasaun Indonézia.



Istória Ema Moris Nian – Kultura No Tradisaun

- Kuntinua pratika kultura tradisionál (aktividade moris lor-loron nian, pratika agrikultura no peska, fiar spirituál, pratika serimonia, sistema kustume kona-ba nia in ba rai no tasi).



Sustentável Moris Lor-loron Nian


- Agrikultura;
- Hakiak animál;
- Peska;
- Rekursu florestál;
- Desenvolvimentu ekonomia ne'ebe foun hanesan turizmu ekolojiko no etikál.





PARQUE NACIONAL NINO KONIS SANTANA

Primeiru Parque Nacional iha Timor-Leste!



- | | | | | | | |
|-----------------------|----------------|--------------|-----------|-----------|-----------|-------------------|
| Baliza Parké Nasionál | Area Helafatin | Paisajem | Lekirauk | Niki | Tunino | Fatin Lulik |
| Baliza Suco | Area Ahu-Ruin | Balada Fatin | Rusa | Lafaek | Baleia | Tranqueira |
| Dalan Prinsipal | Area Ai-Parapa | Ailaran | Meda | Samea | Tubaraun | Fatin Istóriku |
| Dalan Kiik | | Flora | Fahi-Fuik | Manu-Fuik | Ikan | Meci |
| | | Ai-Parapa | Lenuk | Ahu-Ruin | Uma Lulik | Fatin Arkeologiku |

